

大寶積經

卷五十七

七十八
官七

47565

元祿九年丙子二月日重脩

皇圖葉固 帝階綴昌

佛日增輝 懋合輪常轉

山城州天安寺法金剛院置



大寶積經卷第五十七

大唐三藏

義淨譯

官

佛說入胎藏會第十四之二

尔時世尊復告難陀汝今既知胎苦生苦應
識凡受胎生者是極苦惱初生之時或男或
女墮人手內或在衣等安在日中或在陰處
或置搖車或居林席懷抱之內由是因緣皆
受酸辛楚毒極苦難陀如牛剥皮近牆而住
被牆虫所食若近樹草樹草虫食若居空處
諸虫唼食皆受苦惱初生亦尔以婦水洗受
大苦惱如癩病人皮膚潰爛膿血橫流加之
杖捶極受楚切生身之後飲母血垢而得長



大言血塊者於聖法律中即乳汁是難陀既
有如是種種極苦無一可樂誰有智者於斯
苦海而生愛戀常為流轉無有休息生七日
已身內即有八萬戶虫縱橫取食難陀有一
戶虫名曰食髮依髮根住常食其髮有二戶
虫一名伏藏二名鹿頭依頭而住常食其頭
有一戶虫名曰遠眼依眼而住常食於眼有
四戶虫一名駈逐二名奔走三名屋宅四名
圓滿依腦而住常食於腦有一戶虫名曰稻
葉依耳食耳有一戶虫名曰蔽口依鼻食鼻
有二戶虫一名遙擲二名遍擲依唇食唇有
一戶虫名曰蜜葉依齒食齒有一戶虫名曰

木口依齒根食齒根有一戶虫名曰針口依
舌食舌有一戶虫名曰利口依舌根食舌根
有一戶虫名曰手圓依齶食腭復有二戶虫
一名手網二名半屈依手掌食手掌有二戶
虫一名短懸二名長懸依腕食腕有二戶虫
一名遠臂二名近臂依臂食臂有二戶虫一
名欲吞二名已吞依喉食喉有二戶虫一名
有怨二名大怨依胃食胃有二戶虫一名螺
貝二名螺口依肉食肉有二戶虫一名有色
二名有力依血食血有二戶虫一名勇健二
名香口依筋食筋有二戶虫一名不高二名
下口依脊食脊有二戶虫俱名脂色依脂食

脂有一戶虫名曰黃色依黃食黃有一戶虫
 名曰真珠依腎食腎有一戶虫名曰大真珠
 依腰食腰有一戶虫名曰未至依脾食脾有
 四戶虫一名水命二名大水命三名針口四
 名刀口依腸食腸有五戶虫一名月滿二名
 月面三名暉曜四名暉面五名別住依右脇
 食右脇復有五虫名同於上依左脇食左脇
 復有四虫一名穿前二名穿後三名穿堅四
 名穿住依腎食腎有四戶虫一名大白二名
 小白三名重雲四名臭氣依脉食脉有四戶
 虫一名師子二名備力三名急箭四名蓮花
 依生藏食生藏有二戶虫一名安志二名近

志依熟藏食熟藏有四戶虫一名鹽口二名
蘊口三名網口四名雀口依小便道食尿而
住有四戶虫一名應作二名大作三名小形
四名小束依大便道食糞而住有二戶虫一
名黑口二名大口依脛食脛有二戶虫一名
癩二名小癩依膝食膝有一戶虫名曰愚根
依脛食脛有一戶虫名曰黑項依脚食脚難
陀如此之身甚可厭患如斯色類常有八万
戶虫日有散食由此令身熱惱羸瘦疲困飢
渴又復心有種種苦惱憂愁恚絕家病現耶
無有良醫能為除療唯陀於大有海生死之
中有如是苦云何於此而生受樂復為諸神

病之所執持所謂天神龍神八部所持及諸鬼神乃至羯叱布單那及餘禽獸諸魅所持或為日月星辰所厄此等鬼神作諸病患逼惱身心難可具說佛告難陀誰於生死樂入母胎受極辛苦如是生成如是增長飲母乳血及諸飲食妄生妄想漸至長成假令身得安樂無病衣食恣情壽滿百歲於此生中暫眠減半初為嬰兒次為童子漸至成長憂悲患難象病所逼無量百苦觸惱其身難可說盡身內諸苦難忍受時不願存生意便求死如是之身苦多樂少雖復暫住必當謝滅難陀生者皆死無有常存假使藥食資養壽命

得延年歲終歸不免死王所殺送往空田是
故當知生無可樂來世資糧應勤積集勿作
放逸精修梵行莫為嬾惰於諸利行法行功
德行純善行常樂修習恒觀自身善惡二業
繫在於心勿令後時生大追悔一切所有慶
樂之事皆悉別離隨善惡業趣於後世難陀
壽命百年有其十位初謂嬰兒位卧於襁褓
二謂童子樂為兒戲三謂少年受諸欲樂四
謂少壯勇健多力五謂盛年有智談論六謂
成就能善思量巧為計策七謂漸衰善知法
式八謂朽邁衆事衰弱九謂極老與所能為
十謂百年是當死位難陀梗槩大位略說如

是計准四月以為一時百年之中有三百時
 於春夏冬各有其百一年十二月摠有一千
 二百月若半月為數摠有二千四百半月於
 三時中各有八百半月摠有三萬六千晝夜
 一日再食摠有七萬二千度食雖有緣不食
 亦在其數不食緣者所謂瞑恨不食遭苦不
 食或求索不得睡眠持齋掉戲不食事務不
 食食與不食而共合集數有尔許并飲母乳
 人命百年我已具說年月晝夜及飲食數汝
 應生狀難陀如是生成長大身有象病所謂
 頭目耳鼻舌齒咽喉胃腹手足疥癩癩狂水
 腫欬嗽風黃熱瘡象多癩病支節痛苦難陀

人身有如是病苦復有百一風病百一黃病
百一痰瘰病百一摠集病摠有四百四病從
內而生難陀身如癰箭象病所成無暫時停
念念不住體是無常苦空無我恒近於死敗
壞之法不可保愛難陀凡諸衆生復有如是
生受苦痛謂截手足眼耳鼻舌頭及支分復
受獄囚枷鎖杻械鞭打拷楚飢渴困苦寒熱
雨雪蚊虻蟻子風塵猛獸及諸惡觸種種諸
惱與量與邊難可具說有情之類常在如是
堅艱苦中愛樂沉沒諸有所欲苦為根本不
知棄捨更復追求日夜煎迫身心被惱內起
燒然與有休息如是生苦老苦病苦死苦愛

別離苦怨憎會苦求不得苦五取蘊苦四威
 儀中行立坐卧亦皆是苦亦常行時不立坐
 卧即受苦無樂若常立時不行坐卧若坐不
 行立卧苦卧不行立坐皆受極苦而無安樂
 難陀此等皆是捨苦求苦唯是苦生唯是苦
 滅諸行因緣相續而起如來了知故說有情
 生死之法諸行無常非真究竟是變壞法不
 可保守當求知足深生厭患勤求解脫難陀
 於善趣中有情之類生處不淨苦劇如是種
 種虛誑說不可盡何況具說於三惡趣餓鬼
 傍生地獄有情所受楚毒難忍之苦後次難
 陀有其四種入於母胎云何為四一者有情

正念入正念住正念出二者正念入正念住
不正念出三者正念入不正念住出四者三
皆不正念誰是正念入住出如有一類凡夫
有情性愛持戒數習善品樂爲勝事作諸福
行極善防護恒思質直不爲放逸有大智慧
臨終無悔即便受生或是七生預流或是家
家或是一來或是一間此人由先修善行故
臨命過時雖苦來逼受諸痛惱心不散亂正
念而終復還正念入母胎內了知諸法由業
而生皆從因緣而得生起常與諸魔作居止
處難陀應知此身恒是一切不淨窟宅體非
常住是愚癡物誘誑迷人此身以腎而作機

關筋脉相連通諸孔穴。脂肉骨髓共相纏縛。以皮覆上不見其過於熱。屬中不淨。充滿髮毛爪齒。分位差別。執我我所。故恒被拘牽。不得自在。常出涕唾穢汗。流汗黃水。痰癢癩壞。脂膩腎膽肝肺大腸小腸屎尿可惡。及諸虫類。周遍充滿。上下諸孔。常流臭穢。生熟二藏。蓋以薄皮。是謂行廁。汝應觀察。凡食啜時。牙齒咀嚼濕以涎唾。嚥入喉中。髓脛相和。流津膜內。如犬咬枯骨。妄主妄想。食至臍間。嘔逆覆上。還復却咽。難陀此身。元從羯羅藍頸部。陀閉尸健南鉢羅奢佉。不淨穢物。而得生長。嬰兒流轉。乃至老死。輪迴繫縛。如黑闇坑。如

臭壞井常以鹹淡苦辛酸等食味而為資養
又母腹火燒者身根不淨糞鍋常舉熱苦母
若行立坐卧之時如被五縛亦如火炙難可
堪忍無能為喻難陀彼胎雖在如是糞穢坑
中衆多苦切由利根故心不敢亂後有一類
薄福有情在母腹內或橫或倒由其先業因
緣力故或由母食冷熱鹹酸甘辛苦味不善
調故或飲漿水過量或多行淫欲或饒疾病
或懷愁惱或時倒地或被打拍由是等緣母
身壯熱由身熱故胎亦燒然由燒然故受諸
苦惱由有苦故便即動轉由動轉故或身橫
覆不能得出有善解女人以酥油塗手內母

腹中緩。緩觸胎令安。本處手觸著時。胎子即
 便受大苦惱。難陀譬如幻小男女。人以利刀
 削破皮肉。散灰於上。由斯便有大苦惱。生胎
 子。楚毒亦復如是。離受此痛。由利根故。正念
 不散。難陀此胎如是。住母腹中。受如斯苦。又
 欲產時。辛苦而出。由彼業風。令手交合。支節
 拳縮。受大劇苦。欲出母胎。身體青瘀。猶如初
 腫。難可觸著。飢渴逼迫。心懸熱惱。由業因緣。
 被風推出。既出胎。已被外風觸。如割塗炭。手
 衣觸時。皆受極苦。雖受此苦。由上利根故。正
 念不亂。於母腹中。知入住出。悉皆是苦。難陀
 誰當樂入。如是胎中。難陀誰是於母腹。正念

入住不正念出難陀如有一類凡夫有情性
樂持戒修習善品常爲勝事作諸福行其心
資直不爲放逸少有智慧臨終無悔或是七
生預流或是家家或是一來或是一間此人
先修善行臨命終時雖苦來逼受諸痛惱心
不散亂後還正念入母胎中了知諸法由業
而生皆從因緣而得生起廣說如上乃至出
胎雖受如是諸極苦楚由是申利根故入住
正念不正念出廣說如上乃至誰當樂入如
是胎中難陀誰是正念入胎不正住出難陀
如有一類凡夫有情性樂持戒修習善品常
爲勝事作諸福行廣說如上乃至臨終無悔

或是七生預流等臨命終時衆苦來逼雖受
 痛惱心不散亂復還正念入母胎中由是下
 利根故入胎時知住出不知廣說如上乃至
 誑當樂入如是胎中難陀誰是入住出俱不
 正念如有一類凡夫有情樂毀淨戒不修善
 品常為惡事作諸惡行心不實直多行放逸
 無有智慧貪財慳吝手常拳縮不能舒展齋
 惠於人恒有希望心不調順見行顛倒臨終
 悔恨諸不善業皆悉現前當死之時猛利楚
 毒痛惱逼切其心散亂由諸苦惱不自憶識
 我是何人從何而來今何處去難陀是謂三
 時皆無正念廣說如上難陀此諸有情生在

人中雖有如是無量苦惱然是勝處於無量
百千俱胝劫中人身難得若生天上常畏墜
墮有愛別離苦命歛終時餘天告言願汝當
生世間善趣云何世間善趣謂是人天人趣
難得遠離難處更復是難云何惡趣謂三惡
道地獄趣者常受苦切極不如意猛利楚毒
難可譬喻餓鬼趣者性多瞋恚無柔軟心諂
誑殺害以血塗手魚有慈悲形容醜陋見者
恐怖設近於人受飢渴苦恒被障礙傍生趣
者無量無邊作無義行無福行無法行無善
行無淳實行互相食噉強者凌弱有諸傍生
若生若長若死皆在暗中不淨糞屎垢穢之

處或時暫明所謂蜂蝶蚊蟻蚤虱蛆蟲之類
自餘復有魚量魚邊生長常暗由彼先世是
愚癡人不聽經法恣身語意貪著五欲造衆
惡事生此類中受愚迷苦難陀復有無量魚
邊傍生有情生長及死皆在冰中所謂魚鼈
龜鼉鱓蛭蚌蛤蝦蟇之類由先世業身語意
惡如上廣說難陀復有無量魚邊傍生有情
聞屎尿香速往其處以為食飲所謂豬羊鷄
犬狐貉鵲鷲鳥蠅虻螻蛄獸之類皆由先世
惡業所招受如是報難陀復有無量魚邊傍
生之類常以草木及諸不淨充其飲食所諸
象馬駝牛驢騾之屬乃至命終由先惡業受

如是報。

後次難陀生死有海。苦哉痛哉。猛焰燒然。極大炎熱。無一衆生不被燒。莫斯等皆由眼耳鼻舌身意熾盛。猛火貪求。所境色聲香味觸法。難陀云。何名為熾盛猛火。謂是貪瞋癡火。生死病死。火憂悲苦惱毒害之火。常自燒然。無一得免。難陀懈怠之人。多受衆苦。煩惱嬰纏。作不善法。輪迴不息。生死無終。勤策之人。多受安樂。及發勇猛心。斷除煩惱。修習善法。不捨善軌。無休息時。是故汝今應觀此身皮肉筋骨血脉及髓。不久散壞。常當一心。勿爲懈怠。未證得者。勤求證悟。如是應學。難陀。我不

共世間作諸諍論。然而世間於我強爲諍論。所以者何。諸知法者不與他諍。離我我所共。誰爲論。由無見解起妄執。故我說正覺作如是語。我於諸法無不了知。難陀我所言說有差異。不難陀言不也。世尊如來說者無有差異。佛言善哉善哉。難陀。如來所說必無差異。如來是真語者。實語者。如語者。不異語者。不誑語者。欲令世間長夜安樂。獲大勝利。是知道者。是識道者。是說道者。是闡道者。是大導師。如來應正等覺。明行足善逝。世間解無上士。調御丈夫。天人師。佛世尊。世間乏人無知。無信。常與諸根而爲奴僕。唯見掌中不觀大。

利易事不修難者恒作難陀且止如斯智惠
境界汝今應以肉眼所見而觀察之知所見
者皆是處安即名解脫難陀汝莫信我莫隨
我欲莫依我語莫觀我相莫隨沙門所有見
解莫於沙門而生恭敬莫作是語沙門喬答
摩是我大師然而但可於我自證所得之法
獨在靜處思量觀察常多修習隨於用心所
觀之法即於彼法觀想成就正念而住自為
洲渚自為歸處法為洲渚法為歸處與別洲
渚與別歸處難陀云何苾芻自為洲渚自為
歸處法為洲渚法為歸處與別洲渚與別歸
處如是難陀若有苾芻於自內身隨觀而住

勤勇繫念得正解了於諸世間所有恚惱常
思調伏是謂隨觀內身是苦若觀外身及內
外身亦復如是難陀汝於集法觀身而住觀
滅而住復於集滅二法觀身而住即於此身
能爲正念或但有智或但有見或但有念無
依而住於此世間知無可取如是難陀是謂
苾芻勿於自內身隨觀而往外身內外身爲觀
亦亦次觀內受外受及內外受而住觀內心
外心及內外心而住觀內法外法及內外法
而住勤勇繫念得正解了於諸世間所有恚
惱常思調伏觀集法住觀滅法住復於集滅
二法觀法而住即於此身能爲正念或但有

智或但有見或但有念於此世間知魚可取
如是難陀是謂苾芻自爲洲渚自爲歸處法
爲洲渚法爲歸處無別洲渚無別歸處難陀
若有丈夫稟性質直遠離諂誑於晨朝時來
至我所我以善法隨機教示彼至暮時自陳
所得暮以法教且陳所得難陀我之善法現
得證悟能除熱惱善應時機易爲方便是自
覺法善爲覆護親對我所聞所說法須於寂
靜能趣菩提是我所知是故汝今見有自利
見有他利及二俱利如是等法應常修學於
出家法謹慎行之勿令空過當獲勝果無爲
安樂受他供給衣食臥具病藥等物令其施

主獲大福利得勝果報尊貴廣大如是難陀
應當修學復次難陀未有一色是可受樂能
於後時不變壞者無有是處不起憂悲不生
煩惱者亦無是處難陀於沙意云何此色是
常為是無常大德體是無常難陀體既無常
為是苦不大德是苦若無常苦即變壞法我
諸多聞聖弟子衆計色是我我有諸色色屬
於我我在色中不白言不也世尊於沙意云
何受想行識是常無常大德皆是無常難陀
體既無常為是苦不大德是苦若無常苦即
變壞法我諸多聞聖弟子衆計受等是我我
有受等受等屬我我在受等中不也世尊

是故應知凡是諸色若過去若未來若現在
若內若外若麤若細若勝若劣若遠若近所
有諸色皆非是我我不有包包不屬我我不
若包中如是應以正念正慧而審觀察受想
行識若過去若未來若現在若內若外若麤
若細若勝若劣若遠若近此等亦非是我我
亦非有此等我亦非在此中如是應以正念
正慧而審觀察若我多聞聖弟子眾如是觀
察於色厭患後於受想行識亦生厭患其厭
患已即不染著既無染著即得解脫既解脫
已自知解脫作如是言我生已盡梵行已立
所作已辦不受後有亦時世尊說此法已時

具壽難陀遠塵離垢得法眼淨五百苾芻於諸有漏心解脫

爾時世尊重說伽陀告難陀曰

若人無定心

即無清淨智

不能斷諸漏

是故汝勤修

汝常修妙觀

知諸蘊生滅

清淨若圓滿

諸天悉欣慶

親友共交歡

往來相受念

貪名箸利養

難陀汝應捨

勿親近在家

及於出家者

念超生死海

寧盡苦邊際

初從羯羅藍

次生於肉疱

內疱生閉尸

閉尸生健南

健南暫轉變

生頭及四支

眾骨聚成身

皆從業因有

頰骨合九片

頰骨兩骨連

齒有三十二

其根亦如是

骨臆與咽喉

肩偶亦兩雙

項後有八骨

其數亦四分

左脇相連生

三三相續連

左右兩腿足

支桂於身肉

實語者記說

雜穢不堅牢

無梢唯骨立

可根及頸骨

捻有十二骨

兩臂及指頭

脊梁三十二

右脇邊助骨

亦有十三骨

二二相鈎牽

合有五十骨

骨節相鈎綴

正覺之所知

由此共成身

血肉遍塗治

齧骨并鼻梁

眼匡有四骨

捻有五十骨

此各有根本

相連有十三

此等諸骨鎖

其餘不相續

捻三百十六

合成衆生體

從足至於頂

脆危如華舍

同機關木人

亦如幻化像

濕皮相裹覆

屎尿諸不淨

此身亦如是

危脆非堅實

痰唾汗常流

腦滿髓髓中

肪膏與皮膜

諸不淨同居

無識耽欲人

猶如朽城郭

身城骨牆壁

應觀於此身

九處有瘡門

譬如倉與筭

雜穢滿其中

愚夫常受樂

膿血恒充滿

胃高痰癆流

五藏諸腸胃

罪身深可畏

愚癡常保護

日夜煩惱逼

血肉作塗泥

筋脉更纏繞

周遍常流溢

盛諸穀麥等

運動骨機關

智者無染著

黃脂雜乳汁

內有生熟藏

如是臭爛等

此即是怨家

如是臭穢身

遷流無暫停

盡彩貪膜癡

隨處而莊飾

可憐骨身城

血肉相連合

常被惡知識

內外苦相煎

難陀沙當知

如我之所說

晝夜常繫念

勿思於欲境

若欲遠離者

常作智慧觀

勤求解脫處

速超生死海

爾時世尊說是入胎經已具壽難陀及五百

苾芻皆大歡喜信受奉行

難陀苾芻越生死海險難之處能至安隱究竟

竟涅槃獲阿羅漢果說自慶頌曰

敬心奉深浴

淨水及塗香

并修諸福田

獲斯殊勝報

時諸大眾聞是說已咸皆有疑為斷疑故請

大師曰大德難陀苾芻先作何業由彼報得
金色之身具三十相以自嚴飾望也尊身但
少四指於羗歆境極生愛著大師哀愍於生
死海強拔令出方便安置究竟涅槃唯願為
說佛告諸大衆難陀苾芻先所作業果報成
熟皆悉現前廣說如餘即說頌曰

假使經百劫

所作業不亡

因緣會遇時

果報還自受

沙等諦聽過去世時九十一劫人壽八萬歲
有毘鉢尸佛如來應供正等覺明行足善逝
世間解無上士調御丈夫天人師佛也尊出
現於世與六萬二千苾芻遊行人間至親慕

城王所都處往親慧林即於此任時彼世
有異母弟於姪欲境極生愛著其毘鉢尸如
來應正等覺於生死海勸令出家方便安置
究竟涅槃時彼回王名曰有親以法化世人
民熾盛豐樂安隱無諸詐偽賊盜疾疫牛羊
稻蔗在處充滿王異母弟極耽姪深王聞佛
衆住親慧林將諸王子親侍大臣及內宮女
人民翊從往詣佛所頂禮佛足退坐一面尔
時世尊爲彼王衆宣揚妙法示教利喜得殊
勝解其弟耽欲不肯出門時大臣子及餘知
友撫塵之類詣而告曰善友知不王及王并
子諸內宮大臣人衆往毘鉢尸佛所躬行札

敬難受妙法獲殊勝解人身難得沙已得之
如何今時耽著強欲不肯出門彼聞責已心
生愧耻俛仰相隨同行而去時佛弟苾芻見
諸徒侶共行而去問曰何故君等將此一人
共伴而去時彼同伴具以事白苾芻曰我是
佛弟昔在家時於諸欲境極生耽著幸蒙大
師強牽令出安隱將趣究竟涅槃更有如是
愚癡之輩與我相似仁等慈悲強共將去誠
爲大善今可往詣無上大師得至佛所必生
深信時彼同伴共至佛所佛觀彼類桶根欲
性而爲說法既得聞已深起信心從座而起
偏袒右肩合掌向佛白言也尊唯願大師及

諸聖衆明至我家入溫室澡浴佛默然受彼
知受已禮佛雙足奉辭而去遂至王所申恭
敬已白言大王我詣佛所聞法生信於墮歎
境起厭離心奉請佛僧明至我家入溫室浴
如來大師慈悲爲受佛是人天所應供養王
今宜可灑掃街衢嚴飾城郭王作是念佛來
入城我當嚴飾然我之弟耽欲難諫佛念調
伏實誠希有答言甚善汝今可去營辦澡浴
所須之物我當隨力嚴飾城隍第生大喜辭
王而去王告諸臣曰當可唱令普告諸人明
日世尊將入城內諸舊住者及遠方來沙等
諸人咸當隨力嚴飾城郭灑掃街衢持諸香

花迎。法師入臣奉王教。普告令知。具宣王勅。時諸人衆於彼城中。除去瓦礫。遍灑香水。燒諸妙香。懸衆幡蓋。散花供養。如天帝親歡喜之園。時彼王第辦諸香湯及香油等。莊嚴浴室。敷置牀座。毘鉢戶佛。漸欲至城。王及諸臣太子。后妃。宮人。姝女。及諸人衆。咸出奉迎。遙禮佛足。隨從入城。時彼王第引佛世尊入溫室內。投香水等。以充澡浴。見佛世尊。身如金色。三十二相。八十種好。周遍莊嚴。見已歡喜。生深信心。洗浴既竟。著衣服已。即便頂禮世尊。雙足。發是願言。我今幸遇最上福田。微申供養。願此善因。於未來世。身得金色。與佛無

異如也尊第於欲境中保生耽著強拔令出
得趣安隱究竟涅槃願我當來得為佛弟獲
金色身亦復如是我於欲境生耽著時強牽
令出愛際深河得趣涅槃安隱之處沙等女
芻勿生異念彼親慧王耽欲之弟即難陀女
芻是由於昔時請毗鉢尸佛入浴室中香湯
澡浴淨心發願彼之善因今為佛弟身作金
色我於耽著強欲之境強拔令出捨俗出家
究竟涅槃至安隱處時諸大眾更復有疑請
世尊曰大德難陀芻芻曾作何業今身感得
三十大丈夫相佛告諸大眾彼所作業廣說
如麻乃往過去於聚落中有一長者大富多

財寶性無乏有一花園花果茂盛流泉浴池
 林木森竦堪出家人棲隱之處時有獨覺出
 現於世哀愍衆生處於閑靜世間無佛唯此
 福田干時有一獨覺尊者遊行人間至斯聚
 落周旋觀察屆彼園中其守園人既見尊者
 告言善來為解勞倦尊者住此即於中夜入
 火光定園人見已作如是念此之大德成斯
 勝行即便夜起往就家尊告言大家宜於今
 者生慶喜心於花園中有一大德來投我宿
 成就妙行具足神通放大光明遍照園內長
 者聞已疾往園中禮雙足已作如是言聖者
 仁為求食我為福田幸住此園我常施食彼

見慇懃即便為受住此園內入勝妙定解脫
之樂復作是念我此身身輪迴生死所應作
者並已獲得宜入圓寂示證無生作是念已
即昇虛空入火光定現諸神變放大光明上
燭紅輝下流清水捨此身已神識不生永證
無餘妙涅槃界時彼長者取其屍骸焚以香
木復持乳汁而滅其火收餘身骨置新甕中
造窰堵波懸諸幡蓋深生敬信灑三十種衆
妙香水并發大願求諸相好沙等諦聽勿生
異念往時長者即難陀是由以勝妙供養敬
信業故今受果報感得三十殊妙勝相時諸
大眾更有疑念重請世尊大德難陀沙彌曾

作何業若不出家棄塵俗者必當紹繼力輪
 王位佛佛告諸苾芻難陀先世所造之業果報
 熟時必當自受廣如上說過去世時此賢劫
 中人壽二萬歲有迦葉波佛出現世間十号
 具足在婆羅痾斯仙人隱處施鹿林中依止
 而住時彼城中王名訖栗枳以法化世為大
 法王廣如上說王有三子謂大中小彼迦葉
 波佛施化事畢猶如火盡入大涅槃其王信
 敬取佛遺身以諸香木栴檀沉水海岸牛頭
 天木香等焚燒既訖滅以香乳収其舍利置
 金寶籠造大窣堵波皆用四寶縱廣正等一
 踰繕那高半踰繕那安相輪時玉之中子親

上中蓋沙等苾芻勿生異念時。五中子者即
難陀。是由於昔時敬心供養安置中蓋斯之
善業於二千五百生中常爲力輪王化一洲
內。今此生中若不出家者。還作力輪王得大
自在時。諸大衆更復有疑講問。世尊大德難
陀苾芻曾作何業於佛弟子善護根門最爲
第一。佛言。此由願力難陀苾芻於迦葉波佛
時捨俗出家。其親教師彼佛法中善護根門
稱爲第一。盡其形壽梵行自持然於現身竟
無證悟於命終時便發誓願我於佛所盡斯
形壽梵行自持然於現身竟無所證願我以
此修行善根。此佛世尊說未來世有摩納婆

當成正覺。号釋迦牟尼。我於彼佛教法之中
出家離俗。斷諸煩惱。獲阿羅漢。如親教師。於
斯佛所善護根門。最為第一。我亦如是。於彼
效中守護根門。最為第一。由彼願力。今於我
所諸弟子中。善護根門。最為第一。如是苾芻
若純黑業。得純黑報。若純白業。得純白報。若
雜業者。當受雜報。是故沙等離純黑雜業。修
純白業。如是應修。

大寶積經卷第五十七

官

